



23768

red.komp

P

Ruprecht



VITAE.

N.




~~Hist. 3196/a. 6.~~


~~V. 6. 26.~~

lx  
70












VITA  
ILLVSTRISSIMI  
AC  
REVERENDISSIMI  
DOMINI,  
D. SIMONIS  
RVDNICKI  
EPISCOPI VARMI-  
ENSIS.

conscripta

A

R. P. IOANNE RYVVOCKI

Societatis Jesu.



BRVNSBERGÆ  
Typis Caspari Weingärtner.



VITA  
ILLVSTRISSIMI  
AC  
REVERENDISSIMI  
DOMINI  
D. SIMONIS  
RVDNICKI  
EPISCOPI VARMI


ENSIS.

conscripserat

2

R. P. IOHANNES RYVVOCKI

Societatis Jesu



REVINSBERG  
Typis Caspari Wengmann.







Vibus nominibus adductus fue-  
rim, vt Simonis Rudnicij Epif-  
copi Varmienfis, viri integerrimi,  
vitam conſcriberem, omitten-  
dum eſſe non putauī. Scio enim  
plerosque ad priuatū officium curam iſtam  
vocaturos: quibus conſtat meam omnem fortu-  
nam, ac literarum, quodcunq; illud eſt, no-  
men ab inſtitutione ac impenſis Rudnicij ve-  
niſſe. Alij referent in Alberti Rudnicij Præpoſiti  
Varmienſis vota, quaſi à meo calamo æternita-  
tem illi voluerit prouidere, quam ſuis Virtuti-  
bus eximiè promeruit. Hæc rationum momen-  
ta quemadmodum excuſare non poſſum, ita  
non eſſe in medio relinquenda exiſtimo. Habe-  
bo gratiam, ſi qui me gratitudini operatum eſſe  
dixerint, et ſtylum ad Patroni Virtutes per æſti-  
mationem beneficij tranſtuliffe. Nec eos mora-  
bor, qui ad hominem amiciffimum primos me-  
os inſtinctus referent: ſatis quippe gnaros, nihil  
illi, utpote inanis omnis famæ hoſti, hac in re  
propoſitum fuiſſe, quàm Patruī ſui virtutes in  
lucem aſſerere. Latius interea meo ſego ſenſus  
profero, publicæq; rei interfuiſſe aio, ne tantus  
vir poſteriorum memoriam effugeret. Diu hoc  
expectabat Prouincia, cui præerat: diu Aula,  
in qua ſanctiſſimè vixit: diu Regni Antifites,  
qui

Cauſæ Scri-  
ptionis iſtius

quædā pri-  
uatæ

quædam  
publicæ



qui eius decora prosecuti sunt suis. Publicis his  
omnium desideriis priuatam meam pietatem  
non conjunxisse, videbatur mihi prorsus diffi-  
cile. Rem itaque aggredior.

Rudnicianæ  
familie no-  
bilitas

Rudnicioꝝ Gens clara semper per Po-  
loniam fuit. Quum adhuc nobilitatis ea, quæ  
nunc est inter Equites, non fuisset æqualitas le-  
gibus statuta, titulis distinguebatur à cæteris, et  
vocabantur Comites de Beheczice. Nunc præ-  
rogativam istam, familijs omnibus ad parem  
generis potestatisque gloriã traductis, in fastis  
domi retinent: promunt autẽ apud exteros, qui  
sanguinis claritatem varijs gradibus compo-

honores

et  
amplitudo.

Simonis  
Rudnicij na-  
tales.

nunt. Eam ob causam facili via ad dignitates  
omnes à principio ibant. Nullum est pro sum-  
mis Magistratibus in Repub: subsellium, in  
quo stemma Rudnicioꝝ non reperiatur. Sed  
longum esset retexere, quibus in honoribus ad  
nostram vsq; ætatem vixerint. Quà latè patet  
Polonia, plurimis prouincijs suum nomen infu-  
derunt. Siradiam tamen ampliùs incolunt, ter-  
ram magnorum virorum feracem, et Senatorijs  
trabeis per plurimas curules sparsis celebrem.  
Hic ortus est ex Nobilissimis parentibus Simon  
Rudnicius anno sesquimillesimo quinquagesi-  
mo secundo, 13. Calend. Nouembr. fratre Io-  
anne, Castellano Siradiensi, natu minor. In  
do-



doles eximia, animiq; vigor excitatus, pa-  
rentes sponte promptos excitauit, ut opti-  
mis moribus imbuerent, promouerentq; igni-  
culos, quibus ad literarum tractationem fere-  
batur. Domi initia in sinu paterno accepit: Ca-  
lissij deinde et Cracouiæ in humaniorum lite-  
rarum cultu annos aliquot posuit: quo pro-  
fectu licuit postea agnoscere, quum in omni  
confessu, et apud diuersas nationes Latinè, et  
quidē eleganter loqueretur. Pietatem autem  
vtrōq; in Collegio adeò familiarem habuit, ut  
iam pleriq; in ipso tenerioris ætatis sacer-  
dotium ipsius præciperent. Vbi verò gustus  
gloriæ sensim peruasit animum, de exteris re-  
gionibus cogitationes suscepit, ut inter lite-  
rarum curas positus, mores simul Gentium ac  
ingenia cum delectu exploraret. procul ab illo-  
rum proposito, qui plura videre quàm obserua-  
re malunt. Bononiam ergo missus Philosophiæ  
et iuri Canonico tres integros annos impendit.  
Inde Romam transiit, ut quæ calamo memo-  
riæq; exceperat inter privatos parietes, in Ro-  
mana Curia exerceret. Neq; interea Oratoriæ  
facultatis Historiæq; curam seuerioribus his  
disciplinis abrumpebat; quòd sciret, duobus  
his velut fulcris ciuilem peritiam communiri.  
altera enim dicendi materiam suggerit, altera  
verbis

indoles,

institutio

tam in Pa-  
tria

quàm apud  
exteros.



verbis argumentisq; Boni Cuius dignitatem ab-  
soluit. Erat tum Romæ Stanislaus Hosius Car-  
dinalis Varmiensis Antistes, vir quem omnis  
ætas prædicabit, nulla satis mirabitur. Videbat  
is in illo Orbis comitio ex Polono Imperio plu-  
rimos; et, ut erat acer ingenio, in singulorum  
moribus dotibusq; naturæ, futuros successus no-  
tabat. Delectatus præ alijs dicitur magnoperè  
Rudnicij consuetudine, quòd ad modestiam  
grauitatemq; compositus, neq; ætatem in ludi-  
cris consumeret, neq; cælestibus propositis  
ullo modo vitam institueret dissimilem. Cre-  
diderim diuinis instinctibus actum fuisse v-  
trumq; ad hanc animorum societatem: alterũ,  
ut se magno rerum æstimatori in spes non va-  
nas porrigeret: alterũ, ut coleret velut succes-  
sorem. Plura postea in Rudnicio emicuerunt  
virtutum ornamenta, postquam inter familia-  
res continuosq; Hosij adlectus est. Quæ enim  
erant animi decora ita illi ad exemplum imita-  
tionemq; necessaria, ut ea in suo Cardinali non  
haberet? Quanquã enim hic primarios pulcher-  
rimarum actionum splendores privatis exerci-  
tationibus tegebat: publicos nihilominus esse  
voluit, qui in Ecclesiæ commodum spargi de-  
bebant, poterantq; alijs prodesse. Aula proinde  
illius passim Schola Præsulum Sacerdotumq;  
audie-

Placuerunt  
Hosio Car-  
dinali eius  
virtutes.

Eum proin-  
de inter su-  
os familia-  
res retulit.

exemplo ad  
magna im-  
pulsit:



audiebat, quòd bene formatos in diuersa subse-  
lia dimitteret. Neq; satis erat bonis exemplis  
institutionibusq; imbuisse, quos magnis officiis  
perspiciebat idoneos: providebat illis insuper  
Ecclesiastica munia, ut velut in gradu ad maio-  
ra poneret, obseruaretq; simul, quà ratione doc-  
trinam ac monita in actione deducerent. Quum  
iam laboribus honoriq; maturum vidisset Rud-  
nium, adiit Pium v. Pontificem Maximum,  
multaq; in commendationem sui familiaris  
præfatus, obtinuit demum, ut Custos Gnesnen-  
sis atq; Vniejouiensis Archidiaconus esset. Ita  
affectus est Clemens Patruus, quod diu anxie  
cupiebat, ut Nepos Custodiam Gnesnensem  
Coadiutor teneret. Virtuti autē, non sanguini  
favorem hunc tribuebat: gnarus, difficilem  
esse primum in altiora conscensum, nisi aliquis  
connitentem manu attollat. Multorum dexte-  
ritas alioqui magna et ingentibus factis idonea,  
hæsit in plano, quum nullus à principio patro-  
nus accurreret. Fit tamen interea, vt pleriq; ali-  
orum patrocina infra vota tractent, citòq; ex-  
pleant animos majorum capaces. At Rudnium  
pusillanimitatis esse censuit, in primum se ho-  
norem toto pectore involuere, et gradum ac-  
cipere in quietem. Quamprimum in Patriam  
rediit, contulit se in Aulam Stephani Regis,  
quam

beneficiis  
Ecclesiasti-  
cis ornauit,

ad eursum  
veræ gloriæ  
instruxit

In Aula  
Stephani  
Regis



proficiebat  
ex conuersa-  
tione

habita cum  
peritis

et cum pro-  
batis uiris.

Eundē uitæ  
tenorem sub  
Sigismundo  
Rege, indus-  
trio ingeni-  
orum in-  
spectore,  
retinuit,

quam doctissimi cultissimiq; viri impleuerant. Ibi potissimum iungebat se illis, qui Regio lateri propius hærebant, tanquam emeritæ virtutis testimonio ex hac Principis dignatione notiores. Ex eorum commendatione id præcipuè in animum referebat, quo in DEI cultu rerumq; ciuiliū peritia proficeret: dedignatus semper mutuas obsequiorum ludificationes, quibus hodie permulta aulicam vitam ostentant. ipse alioqui semper candidus: neq; prælargè tegebat, si quid displicuit: neq; aperiebat immodicè. Singula temperabat ex legibus prudentiæ. certus, sinceritate amorem conciliari, quemadmodum sub dubia humanitate non raro bona fama periclitatur. Vitia autem cum primis fugiebat in alijs, ne sibi ex consortio adhererent, aut facerent saltem opinionem incauti. Nescio enim, an aliquid magis omnia crescendi argumenta in pejus transferat, quàm suscepta improuidè sodalitas: idq; usitato hominum iudicio, in sociorum moribus mores alterius inspicientium. Hanc deligendi consuetudinem tantò impensius postea tenuit, quum à Sigismundo Rege, Stephani successore, æstimari cæpit. Solertissimus hic erat Princeps in noscendis ingenijs. Quos magnæ famæ modestaq; conuersationis esse didicerat, præsertim si cæteræ



teræ dotes accederent, eos minoribus subsellijs  
accipiebat : specularus è longinquo, quibus  
virtutibus vitisue honorem stiparent. Quos  
constantes reperiebat, non idcirco statim ma-  
joribus admouit, ne primas industriæ vires va-  
lidioribus officijs læderent. Hac ratione, spe-  
randi patientia veniebat in meritum, & am-  
bitio mitescebat cum tempore. Allegerat et  
Rudnicium inter Secretarios, diuq; sub hoc  
titulo tenuit: sed nomen hoc non sinebat ef-  
se otiosum. quod erat indicio, non desitutum  
Principem benefacere. suggerebat ex occasio-  
ne varia ne gotia, quæ Commissarius aut Lega-  
tus conficeret. Quo in munere planè multi-  
plici, & ad arbitrium Domini diuerso, decem  
et octo annos integrè versatus, laudem quidem  
obtinebat maximam, sed fortunam non pro-  
mouebat: siue quòd, ut erat magnæ moderatio-  
nis, operi intentus mereri maluit, quàm com-  
mendatione meritorum Regias aures pulsare:  
siue quia indecorum esse putauit, præmijs tem-  
pus præscribere : quæ utiq; honorificentius  
veniunt non impetrata. Neq; hæc ei malè ceci-  
dit sententia. Rex enim omnibus simul sub as-  
pectum positis, ne rogatus quidē Regentem mi-  
noris sigilli, nō sine quorundam inuidiā dixit,  
Tilicio tunc Procancellarij munus obeunte.

B

sed et hoc

et idcirco ad  
varia  
munia ad-  
hibitus est.

Regens  
imprimis  
Sigilli



deinde ma-  
jor Secreta-  
rius  
dictus

sed et hoc munus dignitas tantum fuit ; aut , ut  
quod summum est dicam, dignitatem merendi  
locus. Adhuc enim patrimonium impensis fa-  
tigandum erat, quæ non exiguæ honoribus  
debentur. Triennium in hoc officio, singula-  
ricum dexteritate posuit : hòc jam felicior,  
quòd Regijs oculis propiùs admotus, virtutes  
suas sine interprete posset promere. Neq; is erat  
Sigismudus Rex, ut diligentissimam ipsius in-  
spectionem quisquam fugeret : & Rudnicius  
sibi præscripserat, summam muneris bene gesti  
in Regem extendere. Vbi hæc cogitatio semel  
sedit, sub ipsis curis alacer incedit animus, et  
lætus, quoties negotiorum difficultas humeris  
magnà mole incumbit. Nihil enim magis ad  
res integrè gerendas juuat, quàm si quis propo-  
sitũ suũ cùm Principis uoto conjungere labo-  
ret. Hinc ardor non deses nascitur : hinc in-  
quietum agendi studium. Tantò namque  
plus voluptatis in sudoribus sentitur, quantò  
publici finis summæque potestatis major est  
respectus. à quo qui recesserit, nã ille mani-  
bus demissis omnia peraget, nec sui compos,  
nec muneris securus. Qua in consideratione  
quùm honore concesso uteretur, factum est  
ut quantum Princeps in ornando prius cun-  
ctabatur, tantum postea properaret. Dixit  
cum



eum majorem Secretarium, quod onus ego  
inter laboriosissima Aulæ officia meritò nu-  
merauerim. tum statim accessere et alij sancti-  
ores opulenti que tituli, quum Præpositus Pos-  
naniensis, Scholasticus Lanciciensis, Canoni-  
cus denique Cracouiensis ac Varmiensis dictus  
est. Ex quibus id commodi nactus erat, quod  
ad amplissimam dignitatem speciosius geren-  
dam stipendium non exiguum suppeditarent.  
Et hæc mens fuit Principis multa simul con-  
ferentis, ne aut honor esset inane nomen si-  
ne hoc neruo, aut tantum opportunitatem de-  
disse videretur paternas opes affligendi. Quâ  
autem solertiâ ac approbatione munus Secre-  
tarij Majoris gesserit, superfluum est recense-  
re. Quid enim non perageret feliciter, qui re-  
rum ciuiliū notitiâ facundiaque adeo polle-  
bat, ut maximis ardui officij laboribus nunquā  
exauriri posset; supererant potius vires ad  
plura præstanda. Quam facilitatē Sigismun-  
dus Rex quum obseruasset, voluit ut Referen-  
darium Regni simul ageret; qui honor in Rep:  
multum est difficilis, Regumque aures tractat.  
Promptam autem requirit eloquentiam, ut  
simul populorum negotia ex fide recitet; si-  
mul Principis sensum explicet dignissimè. Ter-  
sa prudensque sit, necesse est, dictio, quæ sum-  
mo in Rep: auditori placeat: magnifica, ne

additis ali-  
quot opu-  
lentis titu-  
lis.

Et quia  
sufficiebat  
pluribus eu-  
ris, etiā Re-  
ferendarium  
Regni simul  
egit

magna cum  
dexteritate.



eloquentia, loquentem alieno ore maiestatem, indecore  
submittat. Illud gratiam verborumque pon-  
dus: hoc rationum momenta exigit, atque ab  
ijs solis bene beateque peragi potest, qui ani-  
mum magnis et non suis cogitationibus im-  
buerunt. Ibi artem licet non tam ostentare,  
quam non promere: hic major venustas est,  
quam grauitas absoluit. Præclarè hæc noster  
ingenio, Rudnicius præstitit, quia sublime et erectum  
ingenium ad solij reuerentiam instruxerat: a-  
deò verò decenter, ut, quum obsequiis nutum  
approbatio-  
ne Principis præueniret, in ipsius animo ac pec-  
tore vixisset; quum desideria omnium impleret,  
eorum cogitationes præcepisse videretur. Ita  
factum est, ut et Principis æstimationem his  
moribus occuparet, et in illa positus sollicità  
Curia meditatione probaretur à singulis. Ac-  
cedebar ad commendationem opinio virtutis,  
et decoro, et corporis species. ferius vultus, gravis actio,  
serena frontis seueritas, compositus membro-  
rum modus, decora staturæ proceritas, digna  
erant ornamenta, quæ sceptris è vicino afful-  
gerent. His dotibus addebat gratiam frequens  
eum probatissimis viris conuersatio. In ho-  
rum confesso audiebat et loquebatur magna:  
vitia fori ab honestate et tribunali seponebat:  
patriæ libertatis notas, leges, exempla inuicem  
con-



conferebat, quâ consuetudine providit, ut semper velut in theatro viueret; nec prodiret vti-  
quam in publicum tanquam nouus, ut disce-  
ret, sed exercitatus, ut nota perspectaque pro-  
meret. imitatus pugiles, qui præludia extra  
spectatorû oculos habent, ut in mediam lucem  
producti, magnam semper et totam statim fa-  
mam occupent. Amicos autem sic coluit, ut  
cum fortuna non mutaret, diuersus ab eorum  
inconstantia, qui vsque ad honores familiari-  
tatem alunt, et postea malunt clientes; quasi  
altius positos non amari deceat, sed coli. Ma-  
lè profectò ascendunt, qui quos intimos ha-  
bebant, in imo deserunt. Ille verò quem de-  
fereret: eò enim iudicio amicos legebat, qui  
virtutibus suis reperere per villa non poterant,  
quidâ in curulibus Senatorijs sublimes, quùm  
ex præstanti ingenio primoque dignitatis gra-  
du, magnum fore conijcerent, amorem præ-  
venerunt: alij libenter secuti sunt, quùm ex sin-  
ceritate omnia, nihil per simulationem agi vi-  
derent. quæ virtus hodie a plerisque malè in-  
telligitur, putaturq; prudentia sub persona  
occurrere. Et sanè sic à natura compositus erat  
Rudnicius ad grauitatem, ut vultu ludere ami-  
citas non posset, falsos affectus pingere nes-  
ciret. verbis verò abuti ad beneuolentiæ fabu-

præparati-  
one.

interim in-  
amicorum  
constanti  
cultu



sincerus sem.  
per fuit

lam, & ore tantum, non etiam animo loqui hor-  
rebat prorsus. Qui ex arte viuebant, laterique  
ipsum jungebantur, obsequiis colebat, ne of-  
fenderet; quod ipsum summæ artis fuit, sic trac-  
tare ejusmodi humanitatis artifices, ut nec ad  
ad intima admissos se gaudere, nec rejectos esse  
queri possent. quo effecit, ut, quum alij fuge-  
re soleant, à quibus se intelligi sciunt, eum  
idcirco suarum causarum arbitrum judicemque  
mallent, quod in Acta æquè ac animum ni-  
hil præter veritatē referri viderent, nimirum  
non tantum officij auctoritas apud ipsum, sed  
ipse quoque in suo munere quærebatur. sua  
curant qui illud agunt: hoc, maximum est inno-  
centis vitæ testimonium. Neque nunc plures  
bene gesti muneris rationes commemorabo,  
qui copiose vixit, in ejus laudibus properan-  
dum est. ipsa candida laborantium sub nar-  
ratione virium confessio, laudationis instar  
haberi debet.

Tandem a  
Rege nomi-  
natus est  
Episcopus  
Warmien-  
sis

Et jam me etiam Episcopalis ac Senatoria  
dignitas ad se vocat. Adeptus enim erat vtram-  
que, ut haberet testimonium industriæ bene  
collocatæ, et majoris collocandæ spatium. A-  
bibat tunc ex Episcopatu Varmienfi in Vla-  
dislaviensem Petrus Tilicius, vir singularis pru-  
dentia. sedem illam statim Sigismundus Rex  
Rudnicio



Rudnicio præ alijs obtulit. Collegium autem  
Basilicæ Varmienfis fauorē hunc liberis omni-  
um suffragijs probauit pridie Non: Nouēbr. an-  
no salutis quarto supra Millefimum sexcen-  
tesimum. Seruat enim Varmienfis Cathedra  
vetustam illam suæ Ecclesiæ libertatem, cum  
qua Reipublicæ Polonæ accessit; et Rege  
ad quatuor Candidatorum, qui sint è suo gre-  
mio Canonici, nominationem admissio, electi-  
onem sibi retinuit, ut hac ratione et Rex in Se-  
natorem, et Cathedra in Præsulem, exquisi-  
tissimo delectu conueniret. Quam prærogati-  
vam hæcenus Principes eò benigniore manu  
tractabant, quò sedes illa promptius suorum  
jurium decora Regno seruanda defendendaq;  
commisit. Rudnicio autem amplissimus ho-  
nor accedebat, quòd tam insigni commenda-  
tione, tam multis votis ad insulam iret: viro  
præterea nobilissimo succederet, qui officij isti-  
us numeros omnes impleuerat. Consecratus est  
anno millesimo sexcentesimo quinto Varsauiæ,  
quo tempore Senatus et equestris ordo Co-  
mitia faciebat. Inde, quò citius curam gregis  
commissi gereret, Varmiam adiit, ipsa die, quæ  
Palmarum dicitur, non sine præfagio (ut tunc  
multi diuini vatesque esse volunt) ominan-  
tium, florentem palmaremque Prussiae feli-  
cita-

electus à  
Ven. Capi-  
tulo War-  
mienfi.

Consecre-  
tus sub  
tempus  
Comitiorū  
Warsauiæ.

Adiit Var-  
miam



et officio  
Episcopali  
diligenter  
inspecto,

ad magnas  
virtutes,

imitatio-  
nemque  
suorum  
antecesso-  
rum

citatem. Quæ causa, præter alias complures, ex non uanis rumoribus habitas, ad lætitiā omnes exciuerat, cogebatque sub tempus quadragesimalis luctus gaudere. Ibi gubernationem solenni sacramento suscepit: simul autem designauit, qui à Vasallis ac Ciuitatibus fidelitatem verbis ritè conceptis promitti audirent. Tum demum ipse apud animum suum officij Episcopalis leges, limites, onera, pericula euoluere accuratiùs, inireque rationes, quibus suscepta semel moles in humeris securè consisteret. Exempla deinde antecessorum intueri, et quo excellèrent suo in munere, deficerent uè scrutari anxie, Hosius potissimum menti ipsius altè infederat, maximus in Tridentino senatu rerum fidei arbiter. Ejus virtutes jam antea cognitæ perspectasque sedulo ordinare cepit, quò se faciliùs ad imitationem accingeret: nec tam succederet, quàm eundem magistratum continuaret. Et verò, qui recentem utriusque memoriam habent, et facta inuicem contulerunt, duos illustres viros Hosium et Rudnicium in unum exemplum confundunt; aut, si duo exempla faciunt, ita simul coiuisse asserunt, ut rem grauissimam alter præstiterit prior tempore, alter judicio solertiàque absoluerit. Mihi verò non est necesse



necesse comparationem urgere ad laudem.  
 Gratulor potius Patriæ, quæ dignissimos plures  
 Heroas officiis iisdem accipit: gratulor & in-  
 clytis Proceribus, qui pulcherrimam Ecclesiæ  
 faciem degeneribus dissimilium factorum line-  
 amentis non variant. Coniecerat etiam ocu-  
 los in cæteros sanctitate conspicuos Præsules,  
 præsertim in Carolum Boromæum, et Rober-  
 tum Bellarminum, sibi notissimos; ut ex illius  
 quidem vitæ ac monitis, hujus verò præterea  
 etiam libellis, quos assiduâ manu voluebat,  
 se in formam gregis expoliret. Ita perfectissi-  
 mam omnium gerendorum ideam, velut pru-  
 dens architectus animo complexus, ad lus-  
 trandam Dioecesim se contulit, adscitis adiu-  
 toribus missisque in diuersas partes, quò cele-  
 riùs mores Cleri, populique necessitatem per-  
 disceret. Rem enim tantam, in qua salus bea-  
 tæque vitæ securitas vertitur, alijs semper re-  
 linquere, & non ad proprium aliquando reuo-  
 care calculum, magnæ esse præsumptionis exis-  
 timabat. Nam, ut administri sint accuratissi-  
 mi, æquum est eorum diligentiam interdum  
 fulcire exemplo, semper autem plenioris no-  
 titiæ fundamentum à sua potius, quam ab alie-  
 na habere conscientia. Quò verò certiùs ea,  
 quæ apud se decreuerat, destinaret, euocauit  
 C ad

et aliorum  
 celebrium  
 Antistitum  
 se accinxit.

Ut populi  
 sibi à Deo  
 commissi  
 mores me-  
 liùs nosset,

Ipse Diœce-  
 sim lustra-  
 uit,

Synodum  
 celebrauit,



quæ in  
Concilio  
Tridentino  
præscripta  
sunt in u  
sum  
deduxit

& multa  
alia utiliter  
constituit.

ad se Heilsbergam Clerum Varmiensem, in  
quo non pauci Canonum diuinæque faculta-  
tis consulti habebantur. Facilius enim suas  
cogitationes promotum iri sciebat, quas com-  
munibus placitis laudarent iidem, quibus cu-  
ra seruandarum sanctionum imponenda esset.  
Præcipuum fuit studium, decreta Concilij Tri-  
dentini in templa æquè ac sacerdotum vsum  
inducere. Neque defuit difficultas, quùm pro-  
pria consuetudini ritibusque antiquis tena-  
ciùs adhuc adhærent. Fortis nihilominus  
ac benigna animorum tractandorum ratio om-  
nia perrupit. Breuiarij Romani usus probatus;  
ceremoniæ toti jam Ecclesiæ communes in  
Cathedram admissæ. Quæ in ea Synodo de re-  
bus ad Religionem cultumque diuinum perti-  
nentibus: quæ de moribus formandis promul-  
gata sint, uno uolumine habentur comprehen-  
sa; sed adeò exactè, ut multorum instar libro-  
rum esse possit. Quùm omnia ex sententia ac  
voto cederent, fruebatur Præsul optimus suis  
laboribus, neque sine lachrimis, quas gaudi-  
um et honoris diuini vigor exprimebant, pro-  
uinciam intuebatur. Simul autem accendeba-  
tur magis, ne ea, quæ non sine magna animi  
contentione steterunt, sensim inclinarent, ac  
demum collaberentur. Quod ne accideret,  
duabus



duabus rebus potissimum effecit; exemplo im-  
primis, ac deinde indefesso studio. Re famili-  
ari alijs, quos integræ fidei notæque sedulita-  
tis seligebat, commissâ, sacra ministeria per se  
ipse obibat; eò magis ad singula peragenda in-  
teger, quò paucioribus rerum temporalium  
curis se onerabat. Templâ arasque dedicare,  
Clerum ordinibus sacris initiare, ad suam Ca-  
thedram solennioribus festis excurrere in mo-  
rem acceperat. Ibi nihil eorum, quæ lugubri  
passionis Dominicæ, læto Resurrectionis die  
fieri ex Ecclesiæ consuetudine solent, præter-  
mittere: pleraque etiam ultra muneris sui ra-  
tionem agere. Non ille tunc horis matutinis,  
vespertinisque abesse, non causarum publicâ-  
rum onere pietatem morari. Statio aris cam-  
pani signo, quo cæteri ad diuina euocantur, ita  
parebat, ut unum ex ordine diceres. Heilsber-  
gæ verò quum degeret, aliquid præterea, ma-  
jusnè an laboriosius dicam? perfecit. Arx ibi  
est ad ripam Allæ sita, magnifica, quamvis sub-  
tristis moles, solertis cuiuspiam machinatoris  
ingenio, ut olim mos ferebat, in quadrum ex-  
tructa, pluribus areis versus portam extremam  
amplissimè proiectis. Eam inter ac Ciuitatem  
flumen modico spatio fluit, longiore tamen cir-  
cuitu superari solet, ut viæ flexus in locum sacrum

10  
Vt autem  
omnia in  
uiridi ob-  
seruatione  
essent,

nulli parce-  
bat labori;

Cathedram  
Warmiensem  
statis tem-  
poribus adi-  
bat,



populum  
exemplo ad  
pietatem  
cultumque  
Dei promo-  
uebat.

definat. Ab antiquo propter ædificiorum am-  
plitudinem opportunamque annonæ copiam  
eò loci sedes est Episcopalis, & sæpius habi-  
tatur. Inde Rudnicius festis omnibus in ciui-  
tatis templum commeare solebat. Non illum  
distantia, non pluuium cælum, non ætas affecta  
proximum in delubrū, quod in arce est peram-  
plum, includebat: multòque minùs ad indul-  
gentiam currus inuitabat. Pedibus, et quidem  
non rarò exulceratâ cute languidis, iter illud  
arduum semper, lubricum sæpè ac molestum,  
emetiebatur, ut rebus diuinis, ambulatorijsq;  
supplicationibus palàm adesset. Gratissima fuit  
subditis illa commeandi fedulitas, & pudebat  
sub tanto exemplo pietatem laboriosè non  
colere.

Quò melius  
ex ordine  
singula  
perageret,

totum diem  
pulcherri-  
mâ disposi-  
tione tran-  
sigebat,

Primitias  
diei Deo,

Et quia eò usque perueni, operæ pretium  
est totam vitæ institutæ rationem ordinemq;  
simul complecti, utili, ut arbitror, enarratione,  
ut quem multa præclarè egisse sciunt, eius mo-  
res animumque sub uno aspectu habeant. sep-  
tem horis, sæpè paucioribus in somno positis,  
tres ferè matutinas precibus cælestique exer-  
citiò dabat. Tunc accuratiùs cum Deo transi-  
gere, piis propositis diem ordinare, diuinæ  
scripturæ lectione se contra labendi pericula  
vanamque pompam communire. si quid etiam  
accidisset, •



accidisset, quod moram non pateretur, in tem-  
 pus illud veniebat. Expediebantur literæ, tran-  
 sigenda præscribebantur, & quidquid oportuit  
 matutinis consilijs disponere. Nec erat ar-  
 duum omnia feliciter dirigere, quando singu-  
 lis negotijs **DEUS** rerum agendarum arbiter  
 ac veluti consultor adhibebatur. Postea sacri-  
 fificantem de more sacerdotem audiuit, obortis  
 interdum lachrimis, quas Seruatoris passi me-  
 moria prouocabat. sæpius verò ipse Sacrificium  
 incruentum ex Christi institutione peragebat,  
 cælestique epulo pascebatur; expiatâ prius no-  
 xarum confessione animâ; quam puram sem-  
 per habere, tunc etiam purissimam ad tremen-  
 da mysteria afferre nitebatur. In reditu desi-  
 deria subditorum audiebat, sed fronte placidâ,  
 ne seueritas silentium proponendi querimo-  
 nias imperaret: sed miti, ut egestas auxilium  
 misericordiamque præsumeret, offensus vehe-  
 menter, si supplicû genas illata iniuriâ lachri-  
 mis aspersisset; benignus, quoties aliquid in  
 subsidium esset erogandum. De genu rogari  
 ægerrimè tulit, obsequio hoc ad aras remisso.  
 Ne titulos quidem & sui affectatam compel-  
 lationem audire coram sustinuit; eò facilior,  
 quò simpliciorem quisquam reuerentiâ attu-  
 lisset. Auctoritatis metu territos & opem id-

rebusque  
 sacris:

alias matu-  
 tinas horas  
 audiendis  
 subditorum  
 necessitati-  
 bus



et litibus  
definiendis  
dabat.

circò gestu magis quàm voce implorantes ac-  
cedebar, quæstionibusque humanissimis inti-  
ma ex animis vota eruebat. Libellos supplices  
fumebat ipse in manus, & prompto responso  
lætam à se dimittebat necessitatem. Ergo om-  
nes velut ad Numen quoddam accurrere, Pa-  
tremque communi & adhuc ubique super-  
stite voce appellare: administri autem om-  
nia ex fide agere; certi, nullos in vultu terro-  
res, nullas præ palatio minas excubare, quæ  
taciturnitatem læsis præscriberent: obuiæ au-  
tem paratæque benignitati omnem acceptam  
injuriam loqui posse. Sub hac facilitate & pa-  
ternâ sollicitudine sua cuique libertas erat in  
integro. ~~seruitijs nulla vexatione auctis lætus~~  
agricola insistebat. DEVS autem fauebat  
æquitati, & omnia largè proueniebant. Di-  
gressis cum gaudio miseris, pro tribunali con-  
fidere solebat, & causarum forensium ambi-  
gua audire, tam durus adversus preces & lach-  
rimas, quibus plerique legum vice dimicant;  
quàm cautus contra industrios æqui Rectique  
hostes, qui callidâ intercessione iustitiam dif-  
ferunt. Quæ litigantium partes in suam rem  
protulerunt, conferebat cum legum peritis,  
ut plurium iudicio securiùs jus diceret. sen-  
tentia autem omnis planè fuit decretoria, quæ  
non



non minùs progressum litis sistebat, quàm  
cohibebat emptas stipendio voces Advocato-  
rum, ne iurgandi materiam effugiis accende-  
rent. Crudele enim esse censebat partes mo-  
rà ac dilatione affligere: atterere cunctatione,  
inhumanum. Tot negotijs lassus, quò vires  
restauraret, prandebat circa meridiem. Men-  
sa erat semper diues, magnifica, ac lauta: abe-  
rat interim luxus omnis. Assidebat Clerus, &  
frequens hospes. sacra scriptura vel Historia  
ecclesiastica prælegebatur, & suus dabatur cibus  
animo; nemine ex adstantibus assidentibusue  
auso silentium & attentionem violare. Ipse  
hospitalitatis officia parcè initio dispensabat,  
veritus commoda piæ lectionis morari aut  
corrumperè. Reliquum epularum tempus  
humanitati largius concedebatur, & familia-  
ribus colloquiis. Et veniebat facilè ex audi-  
tis occasio mouendarum quæstionum erudita-  
rum, tam in re sacra quàm ciuili. sed lepor,  
urbanitas, & modesti joci seriam narrationem  
temperabant, ne animus perpetuà grauium  
rerum tractatione læsus sensim ad actionem  
languesceret. Ita frugali simplicioreque cibo  
(hunc enim seligebat ex omnibus) & pulcher-  
rimis disertationibus recreatus, ad solita  
exercitia resumenda fiebat vegetior. Mox  
enim

Refectio  
corporis  
erat mode-  
rata

& cum  
fructu ani-  
mi,



enim eum in conclavi excipiebant iterum di-  
uersæ curæ: quidquid ab his superfuit tempo-  
ris, sacræ lectioni ac precibus impendebat,  
donec tempestiua cœna ac postea necessaria  
quies utilem cessationem imperarent: si tamen  
hoc nomen merebatur somnus, sæpius celesti-  
bus suspiriis, ac interdum diuerberatione sui,  
asperioreque decubitu interruptus.

Complures  
alebat sa-  
cerdotes

institue-  
batque,

ut opportu-  
nè in vacu-  
as parœcias  
submitti-  
possent,

Templis  
ornamenta  
prouidebat

Erant autem recensitorum suprâ laborum  
socij semper aliquot sacerdotes, quos magnjs  
sumptibus in spem parœciarum alebat. Interea  
sanctè religioseque sub oculis magni Præfulis  
uiuere, ritus pios decenter peragere, mundi-  
tiam sacræ supellectilis curare assuescebant.  
Hos diurnâ inspectione atque experientiâ  
probatos ad populorum regimen dimittebat,  
simul atque parœciam quampiam animorum  
rectorè viduam intellexit. Quippe timebat,  
ne per moram ex obitu absentiaue Curionum  
aliquid templa detrimenti paterentur, & aris  
cultu diuino destitutis, noxiæ ac vitiosæ feriæ  
animos occuparent. Ad curam animarum abe-  
unt muniebat cohortationibus, & ut erat  
tractandarum ipse peritissimus, contra otium  
obfirmabat. Quò verò solertius singula pera-  
gerentur, & ipsa rerum sacrarum magnificen-  
tia alacritatem in Clero populoque suscitaret,  
submit-



submittebat templis ornamenta. Nulla est è  
præcipuis Ecclesiis, quæ in singulis ferè oppidis  
sunt Archipræsbyterales, quam integro, &  
quidem exquisito apparatu non instruxerit.  
Sed Cathedrali, quam suam esse sponsam scie-  
bat, ornandæ operam præcipuam addixerat.  
Illi palatij sui decora omnia, illi quidquid pre-  
tium aut arte excellebat, velut sponsale veri in e-  
am amoris pignus, transcripsit. Habuisset profe-  
ctò locus ille, quo cum magnificentissimis qui-  
busque certaret, nisi rapax Suetici belli imma-  
nitas, prohdolor! seruandi industriam præ-  
uertisset. Ex tanta copia supersunt adhuc ca-  
lix aureus, sex candelabra argento puro elabo-  
rata, infula pretiosis vnionibus insignis, crux ar-  
gentea, aliaque pauca ministerij Ecclesiastici  
instrumenta, ex quibus de amissis conijcere  
liceat.

Inter opportuna promouendæ rei Chri-  
stianæ subsidia est Brunsbergæ Collegium Soci-  
etatis IESV, quod primum in Polonia ab Ho-  
sio institutum, parens deinde plurium Gymna-  
siorum extitit, deductis in omnes Regni pro-  
uincias coloniis. Ex eo videbat Rudnicius  
iuuenes prodire bene in rebus fidei politiore-  
que literatura excultos, & parœcijs excolendis  
vtilis: exiguam interim dotem, nec tot præce-

D

pro-

et potissi-  
mum orna-  
uit Cathe-  
drale.

Brunsb.  
gens Collegi-  
um subsidii  
maius  
prouidit.



ptoribus alendis parem. Quæ enim ab initio  
fatis superque magna fuere, aucto omnium re-  
rum pretio, & pensione eadem incolumi, supra  
modum decreuerunt. Literis præterea fun-  
dati Collegij, in quibus promittebatur ordina-  
rius prouentus ad ædificiorum restaurationem,  
nondum erat satisfactum. Vtraque res piis-  
simo Præsuli dignissima visa est remedio. Sub-  
mittebat proinde crebra ad rem familiarem,  
commodius tractandam donaria. addidit ali-  
quot agricolas subuectionibus faciendis, agello-  
que excolendo opportunos; quod etiam à Cro-  
mero sequentibusque Episcopis factum erat;  
denique promissione in Canonicorum Colle-  
gio ventilatâ, annuam pecuniam ad reparan-  
dam perpetuò fabricam addixit. Iuuenes etiam,  
qui puram cum doctrina religionem è scholis  
efferrent, alebat magnis impensis Brunsbergæ,  
cæterosque Wormditi ad Brunsbergensium  
scholarum initia præparabat. Triginta omni-  
nò, sæpè & plures erant, sub vno domestico li-  
terarum actionumque omnium arbitro. His  
vestitus, libri, & quidquid corporis schola-  
rumque necessitas requirit, abundè suppedita-  
batur. Non cognati solum sed & diuersi No-  
biles ac plebei in partem istius liberalitatis ve-  
niebant. Ex his vidit ipse plurimos magnò  
cum

Et insuper  
penes libe-  
ralitatem  
suorum  
Antecesso-  
rum confer-  
uauit.

Alebat iu-  
uenes com-  
plures suis  
impensis in  
scholis.



cum Ecclesiæ emolumento virtutem ac literas coluisse. Aliqui in Religiosorum familias transgressi: nonnulli ampla sacerdotia occupârunt. plures ciuilibus se addixerunt negotijs. Effecit hac munificentia, quâ etiam in priuato miseris innotuerat, vt inter Præsules ea tempestate benefaciendi studio ac liberalitate claros, Princeps meritò haberetur.

Quâ verò ratione Catholicam rem in Regali Ducalique Prussia fundauerit ac promouerit, restat dicendum. Inter Vrbes, quæ post factam à fide ac DEO discessionem, contumaces animos gerebant, erat Elbinga & Regius Mons. Vtrique magnæ vires à diuitijs, sed à fæderatis Hæreticorum factionibus longè maiores; quas vtrunque validè augebant nonnulli, qui gloriam, quam necesse erat ex sacrorum restitutione sequi maximam, Rudnicio inuidebant. si tamen liuor ille à malitia animique prauitate fuit, & non potius ab ingentibus donis veniebat, quibus fauor emebatur. At Rudnicius vanis obtrectatorum vocibus impeditisq; spretis aut superatis, Elbingam iure aggressus, effecit domum industriâ singulari, vt Regio edicto primaria Urbis Ecclesia Catholicis cederet. Initiò aliquæ minæ intermænia serpebant, & cogitationum periculosa-

Fidem Catholicam in Regali Prussia seriò promouit

ablato Lutheranis Elbingensibus templo,



Idem præ-  
stitit in Du-  
cali Prussia,

rum apud fautores opinio; sed perficere Rud-  
nicio iam facilius erat, quàm incoepisse. Vt  
erat imperterritus, & in tractandis negotijs co-  
mis simul ac vehemens, Urbem ædemquæ sa-  
cræ ingressus, cum paucis Orthodoxis (popu-  
latio enim sacrorum ante sexaginta annos pa-  
trata, communem veræ fidei stragem fecerat.)  
pium egit triumphum, Clerum induxit, &  
priusquàm dotem Magistratus præscriberet, de  
suo aluit. Regiomonti plus aliquantum dif-  
ficultatis exantlandum fuit. In vna quippe vrbe  
negotium totius Ducalis Prussiæ agebatur, me-  
tuentibus Lutheriani Euangelij patronis, ne  
primo aditu factò, tota deinde noua superstitione  
in exilium erumperet. præsertim, quia Respub-  
licæ antiquissimum ius vrgebat, quo primæ partes  
Romanæ Religionis, postremæ & tantum per-  
missæ dissimulatæque Confessioni Augustanæ  
præscribuntur. Nobiles præterea Catholici à  
professoria Islebiensium declamatorum lingua,  
templa sua petebant mundari. Ante omnes  
rem hanc strenuis postulationibus egerunt Ber-  
zeuicius, Matthias Riwoicius, & Ioannes Ro-  
sciszeuius, qui iura patronatûs in rem suam pro-  
ferebant, neque vllò modo cogi patiebantur ad  
dicendos Lutheranæ factionis præcones. Cæ-  
teri, qui hanc prærogatiuam in hæreditarijs  
fundis



fundis non habent, volebant libertatem sibi relinqui Oratoria noua extruēdi instituendique. Qui hæc à Duce Prussiæ exigebant, erant magni nominis viri. Eos inter Rudnicius non auctoritate solum sed etiam amicitia apud Electorem plurimum valebat, nec secus quam Pater honorabatur: quo etiam nomine Elector optimum Præsulem sæpè compellare solebat inuisebatque subinde Heilsbergæ tanquam amicum; nec erat quidquam adeò difficile, quod in eius gratiam non faceret. Nam & antiquissimas de Limitibus controuersias, quæ prædecessorum temporibus, non sine partium sanguine agitabantur, nominatis vtrunque arbitris, cum magna Ecclesiasticæ utilitatis accessione sustulit: & prima posuit fundamenta pacis, quæ hucusque vicinos inter vtriusque Prouinciæ incolas sanctè religiosèque obseruatur. Huius familiaritatis priuilegio vsus est etiam Rudnicius ad rei Catholicæ propagationem, morasque omnes amouit, quæ progressum votorū sistere poterant. Erectū est ergo Regiomonti à fundamentis templum pro Orthodoxis, perpetuāque dote instructum: data libertas Nobilibus erigendi Oratoria: securitas prouisa transferentibus templa ad Catholicos ritus: poenæ in eos scriptæ, qui conuitijs aut scelere religionem

Auctoritate  
nexus Re-  
gia.

Et amicitia  
Electoris  
Brandenburgici.

Quā etiam  
vsus est ad  
veteres de  
limitibus li-  
tes componen-  
das.

Prouisa est  
ergò Regi-  
omonti no-  
ua sacra æ-  
des pro Or-  
thodoxis.



infestarent. Quæ omnia priusquam pactio-  
nū publicarum nomen obtinerent, excuti ingeni-  
osè debuit vis priuilegiarum, feudi iura, aucto-  
ritas legum, aduersarię sectę immunitas. Ne  
autem partium conatus procederent, rationum  
potestate certandum fuit, obicesque ponendi,  
ne aduersus vetustissimam fidei originem he-  
sterna conualesceret. Quàm feliciter eâ in re  
sit laboratum, Rex postea estimauit, collauda-  
tis sententijs, & in volumen Prutenę libertatis  
iussis inferi, Rudnicius interim lætitiâ non me-  
diocri perfruebatur, quum verus DEI cultus  
propagaretur, pulsisque Nouatoribus templa  
Nobiles instaurarent, Berzeuicius in Lisnow,  
Riwocius in Lencko, in Przelenk Rosciszeui-  
us: Sadorfcus verò Lindam, iam antea miracu-  
lorum famâ celebrem, Oratorio instrueret,  
Quem locum Rudnicius, propter crebrum  
populi concursum, adeo probauit, vt etiam ad  
structuram plurimùm contulerit. Inquies e-  
nim & eiusmodi occasionum haud segnis, non  
solebat fabricandi inuitamenta omittere, qui-  
bus cælestis veneratio crescere potuit. Vnde  
& Heilsbergæ nouam titulo B. Stanislai Marty-  
ris ædem extruxit, quū antea inter exiguos sim-  
plicesque parietes Scholis superstructos tota  
Polonorum deuotio perageretur: & imperfe-  
ctum

Et aliæ plu-  
res in di-  
uersis Prus-  
siæ locis.

In suis quo-  
que Terris  
templa,



Etum Vartenburgensium Minoritarum Cano-  
bium ambulacris ac cellis, templum fornice  
exornauit. Quamquam ne ruinas quidem  
Arcium suarum pacato satis oculo poterat in-  
rui; ideoque potentiùs, quàm hæredes super-  
damnis damnorumque periculis commoueri  
solent, ferebatur ad restaurationem. Hic a-  
mor illum impulit, vt Arcem Brunsbergensem,  
in eam, quæ nunc est, formam structis propug-  
naculis portisque spectabilem redigeret: Resse-  
liensem verò iam vna ex parte collapsam, tur-  
ri ac muro, opere sanè pulcherrimo, commu-  
niret. Multò vehementiùs autem illum tan-  
gebat commiseratio calamitatis omnis, quæ  
vastationem subditis minabatur. Tunc nec  
sumptibus, nec sibi parcere sciebat. Patuit id  
in illa famosa seditione militum, qui ob dilata-  
stipendia fæderibus iuratis conspirauerant in-  
patriam, & mercedem quidem expectare vide-  
ri volebant, cæterùm prædas agebant ex Ec-  
clesiasticis potissimùm bonis, & æquè tunc  
domesticis, ac Moscis antea, fuerunt hostes.  
Multos hac populandi licentiâ vicos villasque  
affligerunt; prope desperantibus, præ cladis  
magnitudine, Sacerdotibus, solitam ex agris  
vtilitatem. Quæ miserabilis conditio ne por-

Arcesque  
restaurauit.

Contra se-  
ditiosum  
exercitum  
subditos æ-  
rario suo?

ro



rò Varmiam afficeret, & non tam damnum  
( id enim leuius æstimari potuit ) quàm tota  
duraturaque prouentuum strages in campos,  
ad agricolas extrema paupertas perueniret, mo-  
lesta exactorū desideria suis ipse impensis com-  
posuit. Quum verò iam ærarium cupidissimis  
hominibus pacandis non sufficeret, argente-  
am suam supellectilem impendit; & tum pri-  
mum, consulto Pontifice Maximo, etiam E-  
piscopales fundos in pignus dedit. insolitum  
profectò calamitatum pretium, sed quod vni-  
cum iam, exhaustis cæteris remedijs, supererat.  
Hanc eandem curam in Senatorio munere fa-  
miliarem sibi perpetuamque habuit; magno-  
perè sollicitus, ne ex suorum consiliorum absen-  
tiâ aut mora alicubi Patria succumberet. Eam  
ob causam, quamuis sæpè valetudo, postea ve-  
rò etiam senectus labores excusaret, omnibus  
Regni Comitij & Prussiæ Conuentibus inte-  
rerat; dicere solitus, Senatores ne vnâ qui-  
dem horam sibi viuere debere; idque vnicum  
esse veri erga Rempublicam amoris testimoni-  
um, quod superata difficultas ostenderet.

His immorantem fractumque studijs  
morbus Heilsbergæ inuasit, lentus quidem ini-  
tiò sed non vnus; ipsâ prouectâ ætate colligen-  
te in cumulum plures corporis ruinas: animus  
nihilo-

diuenditâ  
supellectiles

Fundis in  
pignus da-  
tis defendit.

Regnum  
consilij pu-  
blici sedulo  
iunxit.



nihilominus ad omnia integer erat, & tunc vel  
 maximè circa salutem æternam sedulus. **Vi-** Mortē eius  
præcessit  
longior æ-  
gritudo,  
 debatur ægritudo superari potuisse: sed tribus  
 ante obitum mensibus cælitus admonitum,  
 fuisse constat ( quemadmodum ipsemet Sa-  
 cerdoti narravit, qui ipsius conscientiam mo- & prædicti  
o cælestis,  
 derabatur ) diuturnæ vitæ spem nullam resta-  
 re. Stanislaus enim è D. Francisci familia  
 Vartenburgensis Guardianus, fatis ante annum  
 functus, quiescenti sub noctem apparuit, addi-  
 tis hisce verbis: Domine Episcopo, compares  
 te ad mortem: ex hoc morbo non euades. Ab  
 hoc tempore in memoriâ longioris vitæ nul-  
 lum habuit sensum; immò, quasi in ea visione  
 aliquas cælestis gaudij primitias delibasset, mor-  
 tis mentio illi fuit dulcissima. Proinde statim  
 ea adhibere capit, quæ morituris in promptu  
 esse debent. Expiauit totius vitæ noxas, acce- aliaque o-  
mnia Chri-  
stiana re-  
media,  
 ptoque cælesti viatico, etiam sacro oleo contra  
 ultimos hostiles assultus se muniri curavit.  
 Quidquid temporis ad mortem vsque superfu-  
 it, sibi impendit. Ita illi terrena iam fastidio  
 erant, vt præter **DEVM** ac diuina saperet ni-  
 hil. Sermo omnis spirabat pietatem, & ad  
 commendationem diuinæ misericordiæ, digna-  
 tionis, prouidentiae ferebatur. Augustissimam  
 Virginem cæterosq; Diuos quum inuocaret, ita  
 E af-



Obitum i.  
plius Var-  
mia cum  
magno lu-  
ctu accepit.

Testamen-  
tum plane  
Episcopale  
confecit.

afficiebatur, quasi iam beatos choros oberraret. In hac animi præparatione 4. Non: Iul: circa vesperam, annorum sexaginta nouem, ex quibus sedecim in Episcopatu vixerat, decessit. Cōploratio statim Aulæ totius ac Prouinciæ secuta ingens, quasi ipsa benignitas è terris aliò commigrasset. Nescio an Varmia effusiore luctu, virtutumque narratione Præsulem aliquem defleuerit. Interim solatio erat, quòd, quem sciebant mortuum, videbantur sibi adhuc spectare præsentem in tot præclaris monumentis, structuris, allocutionum memoriâ, denique in extremæ voluntatis scriptura. Fecerat enim in testamento quandam veluti præstitorum sibi obsequiorum summam, quando nullum ex familia aulica, nullam ex Ecclesijs, quarum censu vixerat aliquando, beneficio vltimâque amoris contestatione præterijt. Nec propinquiorum cognatorum fuit immemor; sed, quemadmodum antea neminem emptione fundorum, quod plerisque familiare est, ditauit, ita moderationem eandem moriturus non excessit. Volebat dici abundè suis prouidisse, quando hæreditarias villas Vnieiouiensi Collegiæ Ecclesiæ adscripsit, iure penes familiam relicto adeundi possessiones simul cum diuini cultûs exercitio. Varmiensis interim  
Cathe-



18  
Cathedra hæreditatem ex triente occupauit :  
cætera ad præscriptum distributa. Locum  
sepulturæ sibi ipse in Cathedrali Ecclesia de-  
signauerat, præextructo nobili monumento,  
quod postea infesta Suecorum manus violauit.  
Sed Capitulum Varmienſe, vt gratam benefi-  
centissimi Præſulis memoriam conſeruaret,  
propagaretque in poſteros, impenſis publicis  
marmoream aram, ſacratius nempe opus, priori  
ſuffecit. Dies exequiis dat° prid. Id. Aug. Certa-  
tim ad extremam ſui Præſulis pompam attulere  
ſubditi veſtigiales lachrymas: Brunsberga verò  
etiam addidit copioſiorem præ alijs honorem,  
quando euntem in tumulum obuiis ducentis  
in pullo amictu equitibus accepit, & Fraum-  
burgum deduxit. Ita tunc ſupremâ lamenta-  
tione Præſul comploratus, compoſitusq; eſt; ſi  
ſpectes animi ornamenta, ciuilis prudentiæ glo-  
riam, egregia facinora, ampliſſimus: ſi fidem,  
DE I cultum, deuotam liberalitatem, piſſimus:  
ſi Regis æſtimationem, Regni deſideri-  
um, prouinciæ vota, conſiliorum  
ſucceſſus, feliciffimus,


In Cathedra-  
li Eccle-  
ſia tumula-  
tus eſt.


















Biblioteka Jagiellońska



sidr0011351



